

Amra Junuzović - Kaljić
Zastupnik u Skupštini Kantona Sarajevo

Broj: 109/19
Sarajevo, 17.04.2019. godine

KANTON SARAJEVO
Vlada Kantona Sarajevo
Skupština Kantona Sarajevo
n/r Predsjedavajući Skupštine Kantona Sarajevo
n/r Sekretar Skupštine Kantona Sarajevo

Predmet: Zastupnička inicijativa

Poštovani,

U skladu sa članom 106. Poslovnika Skupštine Kantona Sarajevo („Službene novine Kantona Sarajevo“ broj 25/10, 14/11, 19/11, 7/12 i 26/12), upućujem zastupničku inicijativu prema Skupštini Kantona Sarajevo:

Prebacivanje nadležnosti urbanističko-građevinske inspekcije sa Federalnog nivoa na Kantonalni nivo za područje nacionalnog spomenika „Baščaršija“ u Općini Stari Grad Sarajevo.

O b r a z l o ž e n j e

Dana 03.04.2014.godine, Komisija za očuvanje nacionalnih spomenika Bosne i Hercegovine je na 61. sjednici lokalitet Baščaršije u Općini Stari Grad Sarajevo, uvrstila na listu nacionalnih spomenika Bosne i Hercegovine.

U vremenskom periodu nakon toga, svjedoci smo da se na tom području miješaju nadležnosti različitih nivoa vlasti u Bosni i Hercegovini, zbog čega se izgled ovog nacionalnog spomenika narušava.

Zakon o sprovođenju odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u Bosni i Hercegovini („Službene novine

Federacije BiH“, broj 2/02, 27/02, 6/04 i 51/07) u članu 13. predviđa da nadzor na provedbom ovog zakona i propisa donesenih na osnovu ovog zakona obavlja Ministarstvo.

Zakon o prostornom planiranju i korištenju zemljišta na nivou Federacije Bosne i Hercegovine („Službene novine Federacije BiH“, broj 2/06, 72/07, 32,08, 4/10, 13/10 i 45/10) u članu 40. propisuje da Ministarstvo ne može izdati urbanističku saglasnost dok ne pribavi mišljenje kantonalnog Ministarstva za prostorno uređenje i zaštitu okoliša. Ovo mišljenje kantonalno Ministarstvo prostornog uređenja i zaštite okoliša daje na osnovu planskog dokumenta odnosno područja propisanog kao osnov za odobravanje građenja. Nadalje, isti Zakon u članovima 85. i 91. propisuje prava i obaveze federalne urbanističko-građevinske inspekcije. Uvidom u navedene članove vidljivo je da ovaj nivo građevinske inspekcije nije u mogućnosti adekvatno i često djelovati, odnosno da nije u mogućnosti samostalno i efikasno sprovesti Zakon o sprovođenju odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u Bosni i Hercegovini („Službene novine Federacije BiH“, broj 2/02, 27/02, 6/04 i 51/07).

Shodno gore navedenom, mišljenja smo da bi se prostor nacionalnog spomenika Bašćaršije lakše uređivao i održavao ukoliko bi se nadležnost urbanističko-građevinske inspekcije sa federalnog nivoa prebacila na kantonalni nivo, odnosno u nadležnost općinske urbanističko-građevinske inspekcije, a u skladu sa Zakonom o inspekcijama Kantona Sarajevo, te Zakonom o prostornom uređenju Kantona Sarajevo.

Nadležnost nad očuvanjem Bašćaršije, kao nacionalnog spomenika u gore navedenom slučaju imalo bi Ministarstvo prostornog uređenja i zaštite okoliša Kantona Sarajevo, odnosno Zavod za zaštitu kulturno historijskih spomenika Kantona Sarajevo, čije mišljenje je, kao što možemo vidjeti i sada od velikog, ponekad i presudnog značaja za rad i donošenje odluka Ministarstva na federalnom nivou.

Ovu inicijativu podnosimo u svrhu ekspeditivnosti procesa i očuvanja lokalne zajednice, kako bi i u budućnosti staro jezgro Bašćaršija, moglo i ponovo aplicirati za očuvanje kod UNESCO-a, te i dalje biti ogledalo i simbol našeg grada.

S poštovanjem,



Amra Junuzović-Kaljić
Zastupnica u Skupštini Kantona Sarajevo
Nezavisna bosanskohercegovačka lista